

UNIVERSITI TEKNOLOGI MALAYSIA

UTM.J.02.02/10.12/2 Jld. 6 (13)

6 Januari 2019
29 Rabiulakhir 1439

PEKELILING PENTADBIRAN BIL. 3/2019

PENGUATKUASAAN POLISI PENGGUNAAN INTERNET UNIVERSITI TEKNOLOGI MALAYSIA

Sukacita dimaklumkan bahawa Mesyuarat Jawatankuasa Pengurusan Universiti Bil. 27/2018 bertarikh 27 Disember 2018 telah bersetuju meluluskan penguatkuasaan Polisi Penggunaan Internet Universiti Teknologi Malaysia (UTM).

2. Polisi Penggunaan Internet UTM disediakan bertujuan untuk memberi kefahaman kepada pengguna terhadap peraturan yang perlu dipatuhi semasa menggunakan kemudahan internet Universiti. Penguatkuasaan polisi ini secara langsung akan dapat membantu kawal selia perkhidmatan internet secara lebih teratur dan menggalakkan penggunaan perkhidmatan internet secara “*Fair Usage*” mengikut kuota yang telah ditetapkan.
3. Mesyuarat Jawatankuasa Pengurusan Universiti Bil. 27/2018 juga telah meluluskan penetapan kuota penggunaan kemudahan internet UTM kepada pelajar, staf dan tetamu seperti dalam Jadual 1 hingga 3.

Jadual 1: Kuota Internet bagi Pelajar

Klasifikasi Pengguna	Kuota	Kelajuan Asas
Pelajar Prasiswazah	15GB 2 peranti	5Mbps (dihadkan kepada 1 Mbps selepas kuota dipenuhi)
Pelajar Pascasiswazah	20GB 2 peranti	5Mbps (dihadkan kepada 1 Mbps selepas kuota dipenuhi)

Jadual 2: Kuota Internet bagi Staf UTM

Klasifikasi Pengguna	Kuota	Kelajuan Asas
Staf Kumpulan Pengurusan Tertinggi / Jawatankuasa Pengurusan Universiti	30GB 3 peranti	
a) Staf Kumpulan Pengurusan dan Profesional b) Staf Kumpulan Sokongan di bawah Klasifikasi Perkhidmatan: i) Bakat dan Seni (B) ii) Sains (C) iii) Pendidikan (D) iv) Sistem Maklumat (F) v) Penyelidikan dan Pembangunan (Q)	30GB 2 peranti	5Mbps (dihadkan kepada 1.5 Mbps selepas kuota dipenuhi)
Staf Kumpulan Sokongan di bawah Klasifikasi Perkhidmatan Lain.	15GB 2 peranti	

Jadual 3: Kuota Internet bagi Tetamu UTM

Kuota	Kelajuan Asas
500 MB 1 peranti	2Mbps (dihadkan kepada 0.5 Mbps selepas kuota dipenuhi)

4. Sehubungan dengan itu, seluruh warga Universiti adalah diminta mengambil maklum mengenai penguatkuasaan Polisi Penggunaan Internet UTM. Polisi ini berkuat kuasa mulai tarikh pekeliling ini dikeluarkan. Maklumat lanjut berhubung polisi ini boleh dirujuk ke Pusat Teknologi Maklumat dan Komunikasi (CICT) atau boleh dimuat turun melalui pautan <http://cict.utm.my/policy-internet>.

5. Diharapkan melalui penguatkuasaan polisi ini, penggunaan internet di UTM dapat dioptimumkan mengikut keperluan rasmi pengguna di UTM bagi meningkatkan sistem penyampaian perkhidmatan berprestasi tinggi.


Sekian dimaklumkan, terima kasih.

“Berkhidmat untuk Negara kerana Allah”

Saya yang menjalankan amanah,

(ABDUL RAZIB BIN HJ. SHAHUDDIN)

Pendaftar

- 
- s.k - Naib Canselor
 - Timbalan Naib Canselor (Pembangunan)
 - Timbalan Naib Canselor (Penyelidikan dan Inovasi)
 - Timbalan Naib Canselor (Akademik dan Antarabangsa)
 - Timbalan Naib Canselor (Hal Ehwal Pelajar)
 - Pro-Naib Canselor (Kampus UTM Kuala Lumpur)
 - Pengarah Pusat Penyelidikan - Kampus Pagoh
 - Pegawai-pegawai Kanan/Dekan/Pengarah



UTM
UNIVERSITI TEKNOLOGI MALAYSIA

POLISI PENGGUNAAN INTERNET UNIVERSITI TEKNOLOGI MALAYSIA

**PUSAT TEKNOLOGI MAKLUMAT DAN KOMUNIKASI (CICT)
2018**

POLISI PENGGUNAAN INTERNET UNIVERSITI TEKNOLOGI MALAYSIA (UTM)

PENGENALAN

Internet merupakan rangkaian komuniti global yang membenarkan sesiapa sahaja untuk berkongsi maklumat dan berinteraksi antara satu sama lain. Perkhidmatan Internet yang disediakan di Universiti digunakan oleh staf dan pelajar dalam aktiviti harian dan ia merupakan salah satu platform untuk berkomunikasi dengan pihak luar. Komunikasi secara elektronik dilihat sebagai salah satu saluran penting dalam membantu mewujudkan perkongsian maklumat. Dengan adanya polisi penggunaan Internet ini, pengurusan dan kawalselia perkhidmatan Internet universiti lebih sistematik dan teratur serta risiko gangguan operasi perkhidmatan ICT dapat dikurangkan.

Polisi penggunaan Internet ini hendaklah dibaca bersama-sama perkara berikut:

- a) Akta Perlindungan Data Peribadi 2010**
- b) Kod Etika Profesional Universiti Teknologi Malaysia**
- c) Garis Panduan Mengenai Tatacara Penggunaan Internet dan Mel Elektronik di Agensi-Agenzi Kerajaan**
- d) Garis Panduan Media Sosial UTM**
- e) Amalan Terbaik Penggunaan Media Jaringan Sosial Sektor Awam 2011**

TUJUAN POLISI

Tujuan polisi ini diadakan untuk:

1. Memberi kefahaman kepada pengguna terhadap peraturan yang perlu dipatuhi semasa menggunakan kemudahan Internet.
2. Memastikan penggunaan Internet yang teratur dan terkawal oleh pengguna.
3. Mengawalselia perkhidmatan Internet agar dapat menyokong aktiviti utama Universiti.
4. Membolehkan kawalan dan tindakan yang sewajarnya jika terdapat ketidakpatuhan terhadap penggunaan Internet Universiti.

SKOP POLISI

Polisi ini merangkumi penggunaan perkhidmatan Internet yang disediakan oleh pihak Universiti.

PENYATAAN POLISI PENGGUNAAN INTERNET UNIVERSITI

1. Perkhidmatan Internet yang disediakan oleh universiti adalah satu kemudahan kepada pengguna. Pihak Universiti berhak menarik balik kemudahan ini apabila berlaku perlanggaran peraturan dan polisi yang ditetapkan.
2. Pihak universiti berhak untuk memantau dan mengawal penggunaan perkhidmatan Internet dan/atau sebarang jenis trafik yang dihantar menerusi rangkaian Internet.
3. Pihak universiti berhak pada bila-bila masa menggantung atau menghadkan capaian kepada kemudahan Internet universiti tanpa sebarang notis sekiranya berlaku penggunaan yang melampau atau luarbiasa secara berterusan.
4. Pihak Universiti berhak pada bila-bila masa menghadkan atau menutup penggunaan sebarang aplikasi atas talian yang menggunakan sumber Internet yang tinggi sekiranya penggunaan aplikasi berkenaan mengganggu kebolehcapaian dan keboleharapan prasarana ICT Universiti.
5. Pihak Universiti berhak untuk mendapatkan nasihat tindakan yang wajar bagi memastikan perlanggaran polisi penggunaan Internet tidak berulang.
6. Pengguna dilarang menggunakan kemudahan Internet universiti untuk sebarang aktiviti yang melanggar hak cipta, harta intelek dan hak privasi pengguna lain.
7. Pengguna dilarang menggunakan kemudahan Internet universiti untuk sebarang aktiviti penggodaman, pengimbasan rangkaian, menghidu paket data (*sniffing*), memancing data (*phising*), perlombongan mata wang kripto dan penyulitan data secara tidak sah.
8. Pengguna dilarang menggunakan kemudahan Internet universiti untuk tujuan penyebaran, penyimpanan, muat turun, muat naik bahan-bahan berunsur pornografi, lucah, perjudian, fitnah, ugutan, buli atau perkauman.

9. Pengguna Internet hendaklah pada bila-bila masa memastikan aktiviti yang dilaksana ketika menggunakan kemudahan Internet tidak mengganggu kebolehcapaian dan keboleharapan prasarana ICT (seperti aktiviti memuat naik / turun data bersaiz besar yang memonopoli (*bandwidth*) dalam bentuk (*Point to Point*) dan seumpamanya). Pihak Universiti berhak menetapkan kuota penggunaan Internet yang bersesuaian dari masa ke semasa.
10. Pengguna yang menggunakan kemudahan Internet universiti untuk melaksanakan sebarang transaksi peribadi melalui capaian kepada sistem atau aplikasi pihak luar hendaklah bertanggungjawab ke atas setiap transaksi yang dilakukan. Pihak universiti tidak bertanggungjawab atas sebarang kerugian, kehilangan dan kerosakan yang berlaku akibat daripada transaksi berkenaan.
11. Pengguna hendaklah memastikan Kod Etika Staf Universiti Teknologi Malaysia dan Amalan Terbaik Penggunaan Media Jaringan Sosial Sektor Awam 2011 dipatuhi ketika membuat capaian kepada kemudahan Media Jaringan Sosial.
12. Pengguna bertanggungjawab memasang perisian dan aplikasi yang tulen dan sentiasa dikemaskini pada peranti yang digunakan. Pihak Universiti tidak akan bertanggungjawab terhadap sebarang implikasi perundungan sekiranya pengguna memasang sistem pengoperasian dan aplikasi cetak rompak.
13. Setiap pengguna hendaklah memaklumkan kepada Universiti sekiranya mengetahui atau mengesyaki berlakunya insiden yang boleh mengugat keselamatan kemudahan Internet universiti.